

Debate sesancional prome cu.....

(Cont. di pag. 1)

ta idioot, pa motibu cu nan departamento mes no a ripara e deficit aki. Deputado ta bisa cu esaki no ta critica, pero un insulta y ta papia di „libertad“ di prensa, cu ta bira „libertinaje“. E ta puntra su mes si libertad di prensa ta tolerable den e mannan aki ora cu ta corre peligro cu nan ta pesta e comunidad cu e clase di mentalidadnan asina aki.

Un tape cu a cuminsa ta draai a evita cu e orador a continua cu su acusa-

cion y cumpramentu di materialnan. Na Corsow, asina e deputado ta bisa, e planta di awa tabata calcula pa nueve miljon; actualmente e proyecto ei ta costa 16 miljon caba. Trahadornan di estranheria no a worde trece pa Aruba pa e proyecto, ta hende local a traha. Unicamente algun experto obligatoriamente mester a worde busca pa e proyecto. Na senyor Max Croes e deputado a entrega un boeki tocante hydroponics, na senyor Britten e ta puntra pakiko

pone pa warda e rapport di B.C., den cual sigur e rapport di accountant lo worde trata detalladamente.

Si tin hende den raad cu no ta satisfecho ainda, anto su fraccion lo coopera pa forma un comision. B.C. ta declara cu e rapport denter poco lo ta cla y despues di algun discusionnan senyor Eman a cancela su mocion. E voto individual tocante e proposicion pa e emprestito por ultimo a duna e resultado conoci.

Busto

Mientras tantu a bira mas o menos un'or di anochi, e otro puntanan di agenda a bai facil bou di martin. Solamente e cumpramentu dje terreno pa

cionnan y ora cu e por a continua su discurso e la pasa pa atencinmento di e contestacionnan. E ta contesta senyor Eman cu e lo no hasi caso di tur e acusacionnan bieuwnan, „e disco aki a toca tantu biaha caba“. Rapportnan a worde pone disponible pa mira nan, pero e consehonan interno ta keda solamente pa B.C., of di otro manera segun e deputado aki, e gubernacion lo bira un cos imposibel.

Refiriendo na e suma dje contract e ta declara cu por cierto nan a papia di opinion cu si nan accepta e otro recurso, contratista no kier a hasi e trabou pa menos di f 25 miljon. Y B.C. tabata di opinion cu nan accepta e otro recurso, cu esaki lo a sali e isla muchu mas barata. Raad mester a duna un idea dje gastunan, y e calculacion tabata 20 miljon, a base di e prijsnan costo y un cierto aumento.

E ta declara tocante e deferencia cu a bini acerca cu ta pa motibu di prijsnan di material cu a subi. Tarifanan di Europa y Estados Unidos net den e tempo ei a worde aumenta, e obreronan, cual anteriormente tabata nota den e calculacion segun clasificacion di particularnan, despues mester a worde pasa segun clasificacion di gobierno, nan mester a hanja (kindertoelag) placa pa jiu, regalo di pascu, transportacion gratis etc. Asina ta cu B.C. tabata sa cu e gastunan lo pasa e 20 miljon. Tur luna Singmaster & Breyer tabata entrega su lista dje gastunan cu nan tabatin te na e momento ei. E ultimo rapport di S. & B. di 31 di Juli 1959 a menciona caba un exceso provisional di 3 miljon. E cifranan aki no a worde entrega mas prome na e raad, pa motibu cu a worde preferi cu accountantnan lo a controla tur e cifranan debidamente prome. Te ainda esaki no ta completamente cla, pero no tabata posibel pa warda mas en conexon cu e posicion di caha di e territorio insular. Ademas e tres miljon no tabata intencion pa e fabrika so, tin gastu aden tambe di distribui-

AVP no a tene un openbare aanbesteding dia cu nan a traha e planta biouw, y senyor Croes ta hanja e observacion cu na e manera aki, e ta di prome cu mester duna cuenta kiko e la hasi cu tur e placan di gobierno durante e tempo cu e tabata deputado.

Deputado Petrona ta bolbe tocante e kestion di agente. E tambe ta declara cu su firma tabata mas barata den duna mentu di oferta, y cu e tin dispensacion di raad. Cu e suma total a worde pasá e ta hanja cu ta un fenomeno normal den casi tur proyectonan grandi cu worde traha.

Duna e copia

Den segundo rondu senyor Eman ta presenta cu algun papel di cual e ta lesa uno y otro, e otronan no ta presenta cu muchu novedad, pero Fichi Croes ta hinka man den su sacu y ta saca un papel. E ta bisa cu e tin hopi pasenshi, pero como cu nan ta obliguele, wel tuma. E sa tambe cu su bida lo bira mas marga ainda, pero nan ta forsel. Y e ora ei e la lesa e carta. Deputado Henriquez, cu a contestele, ta observa cu ta un carta stranjo. Pero cu e ta invita senyor Croes pa entrega e carta na Gezaghebber of un copia dje carta, di manera cu e caso aki por worde investiga. Deputado Petrona tabata di acuerdo cu e idea aki, e tambe gustosamente kier a mira un copia, specialmente cu su nomber ta worde menciona den e carta. E ta bisa cu entre su firma y senyor Croes ta existi un convenio comercial, y esei ta tur loke e sa, pero cu e carta menciona, e no tin nada di hasi. Senyor Croes ta nenga di entrega e carta of un copia dje carta na gezaghebber. Experiencia a sinjele, asina e ta bisa, cu ta dificil pa hasi convenio cu hendenan den circulo politica, cu ta trata na sakele for di politica.

Mocion cancela

E mocion di AVP pa nombra un comision di investigacion a worde cancela. Ta resulta cu Raad ta hanja e mocion aki prematura. Senyor Finck ta pro-

e R.K. Schoolbestuur pa e kleuterschool na Dakota a worde cambia di f 1.50 pa meter cuadra na f 1.00 pa meter cuadra.

Y Lloyd G. Smith, ex-director di Lago, kende recientemente a muri, na cumintamentu dje boulevard cu tin na su nomber na Aruba, lo hanja un busto. Raad a vota un suma di f 9.000.— pa e intencion, aki.